

**RAPORTU
N° 2015/O1/028**

ASSEMBLEA DI CORSICA

1^{MA} SESSIONE URDINARIA DI 2015

RIUNIONE DI U 13 DI MARZU 2015

**RAPORTU DI U
PRESIDENTE DI U CUNSIGLIU ESECUTIVU**

**MESSA IN MANU DI L'ASSEMBLEA DI CORSICA IN U QUATRU DI
A CUNSLTAZIONE DI U PUBLICU E DI L'ASSEMBLEE NANT'A
U PRUGETTU DI U PIANU DI GESTIONE DI I RISICHI
D'INUNDAZIONE
(PGRI) 2016-2021**

CUMMISSIONE CUMPETENTE :

CUMMISSIONE DI U SVILUPPU ECUNOMICU, DI
L'ACCUNCIAMENTU DI U TERRITORIU È DI L'AMBIU

| |
|--|
| RAPORTU DI U PRESIDENTE DI U CUNSIGLIU ESECUTIVU DI CORSICA |
|--|

OGGETTU : Messa in manu di l'Assemblea di Corsica in u guatru di a consultazione di u publicu è di l'assemblee nant'à u prugettu di Pianu di Gestione di i Risichi d'Inundazione (PGRI) 2016-2021

Cum'ella hè stata mintuvata in u raportu digià esaminatu nant'à u prugettu di SDAGE di Corsica, a consultazione nant'à u prugettu di PGRI 2016-2021 natu da a direttiva europea inundazione si face à tempu à quelle fatte nant'à i prugetti di SDAGE è di PAMM.

A consultazione di u publicu si sviluppa in 6 mesi da u 19 di dicembre 2014 sin'à u 18 di ghjugu 2015. A consultazione di l'assemblee, istanze è partite ci participanu solu 4 mesi da u **19 di dicembre 2014 à u 18 d' aprile 2015**.

U prugettu di PGRI 2016-2021

In cunfurmità à l'articuli L. 566-11 è R. 566-12 II di u Codice di l'Ambiu, a vostra Assemblea hè stata purtata davanti da M. u Prefettu di Corsica per lettera u 15 di dicembre 2014, da pudè emette nanz'à u 19 d' aprile chì vene un avisu nant'à u prugettu di PGRI sottumessu à consultazione. I documenti cunrispundanti dispunibili nant'à u situ <http://www.corse.developpement-durable.gouv.fr/consultation-publique-elaboration-du-pgri-corse-a1098.html> contanu :

1. u prugettu di PGRI 2016-2021 ;
2. u raportu nant'à a valutazione preliminare di i risichi d'inundazione (EPRI) ;
3. u raportu di valutazione ambientale;
4. l'avisu di l'auturità ambientale;
5. I raporti di presentazione è a cartografia associata di i spazii inundevuli è di i risichi d'inundazione nant'à i 3 territorii à risicu impurtante d'inundazione (TRI) di u Gran' Bastia, di a Marana è d'Aiacciu.

Stu pianu hè realizatu secondu a taglia d'ogni conca idrografica sott'à l'auturità di u prefettu cuurdunatore di conca. Custituisce un documentu di pianificazione fissendu ogettivi à tuccà è urdinendu dispusizione da parvene ci, cù una dimensione ghjuridica : i documenti d'urbanismu è i IOTA (stallazione, opere, travagli è attività) intrattenenu un raportu di cuntatibilità cù u PGRI.

Dopu à a realizazione d'una valutazione preliminare di i risichi d'inundazione (EPRI) arrestata di settembre 2011, è l'identificazione di trè territorii à risichi impurtante d'inundazione (TRI) fissati u 4 di ferraghju 2013, l'elaborazione di u prugettu di PGRI dà a definizione di i grandi ogettivi strategichi è u so detagliu in ogettivi operazionali. U ciculu di gestione è e scadenze di u PGRI sò i listessi à quelli di u SDAGE (messa à ghjornu tutti i sei anni).

Cinque grandi ogettivi sò pruposti :

- *Cunosce megliu per agisce*
 - Piglià in contu e cuniscenze attuale per ciò chì tocca e zone inundeve...attualizà le s'ellu ci vole, sviluppà a cuniscenza in materia di zone litorale summersibile.
 - Uttimisà a valurizzazione di a cuniscenza
- *Privene è ùn accresce u risicu*
 - Elaborà i piani di privenzione di i risichi
 - Ùn creà novi scopi è adattà quelli chì esistenu in e zone d'ostaculi forti è l'influenze geu-murfologiche
- *Riduce a vulnerabilità*
- *Appruntà megliu a gestione di crisa*
 - 4.1 Sviluppà e dimarchje di cunviera di l'eletti da appruntà li à a gestione di crisa
 - 4.2 Mette si in situazione da gestisce e crise
 - 4.3 Messa in piazza d'una cellula di vechja idrometeorologica
- 5. *Riduce i risichi d'inundazione à a scala di l'acquapende tenendu contu di u funziunamentu naturale di i mezi acquatichi*

Ogettivu comune cù u SDAGE (OF5)

À u livellu d'ognunu di i TRI, una strategia locale di gestione di u risicu d'inundazione (SLRI) serà messa in piazza sott'à l'impulsione d'una struttura chì purterà. I trè SLRI (TRI : Gran' Bastia, Marana è Aiacciu) seranu arrestati à u più tardi fine 2016 da i prefetti di i dipartimenti cuncernati.

A valutazione ambientale di u prugettu di PGRI conclude chì alcuna dispusizione ùn averà effettu negativu accertatu è sicuru nant'à e tematiche ambientale è dunque ùn serà bisognu d'avè ricorsu à suluzione alternative.

À a seanza di u 15 di settembre 2014, u Cumitatu di Conca di Corsica hà emessu un Avisu à favore di u prugettu di PGRI 2016-2021 di a Conca di Corsica,incalchendu nant'à a necessità di cumplettà u travagliu da u stabilimentu di e strategie locale nant'à e quale u Cumitatu purterà vigilanza.

In u so avisu di u 9 di dicembre 2014, l'auturità ambientale cunsidereghja chì u raportu ambientale hè bonu è ch'ellu risponde à a regulamentazione è chì u prugettu di PGRI 2016-2021 integra di manera curretta l'ambiu.

In cunclusioni,vi prupongu di dà un Avisu favurevule à u prugettu di PGRI 2016-2021 presentatu da M. u Prefettu cuurdunnatore di Conca.

Vi pregu di purtà in deliberazione.

ASSEMBLEA DI CORSICA

DELIBERAZIONE N° 15/ AC DI L'ASSEMBLEA DI CORSICA PURTENDU AVISU NANT'À U PRUGETTU DI PIANU DI GESTIONE DI I RISICHI D'INUNDAZIONE (PGRI) 2016-2021

SEANZA DI U

L'Annu duie milla è quindeci è u , l'Assemblea di Corsica, convucata di manera regolare s'hè addunita cum'ella a dice a lege à u numeru prescrittu è in locu di e so seanze, sott'à a presidenza di M. Dominique BUCCHINI, Presidente di l'Assemblea di Corsica.

L'ASSEMBLEA DI CORSICA

VISTU u Codice Generale di e Cullettività Territoriale, Titulu II, Libru IV, IV^{ta} parte,

VISTU u prugettu di pianu di gestione di i risichi d'inundazione presentatu da i servizi di u Statu è sottumessu à consultazione di u 19 di dicembre 2014 à u 18 di ghjugnu 2015,

NANT'À raportu di u Presidente di u Cunsigliu Esecutivu di Corsica,

CUNSIDERENDU a messa in manu di M. u prefettu cuurdunnatore di conca, prefettu di Corsica u 15 di dicembre 2014, chì chere l'avisu di l'Assemblea di Corsica nant'à u prugettu di PGRI,

DOP'À DELIBERAZIONE

ARTICULU PRIMU :

EMETTE un AVISU FAVUREVULE nant'à u prugettu di Pianu di Gestione di i Risichi d'Inundazione di Corsica 2016-2021 sottumessu à consultazione.

ARTICULU 2 :

PIGLIA ATTU di a creazione di i trè Territorii à Risicu Impurtante d'inundazione (TRI) chì seguitanu : u Gran' Bastia, a Marana è Aiacciu, nant'à i quali averanu à esse elaborate nanz'à a fine 2016 strategie lucale di gestione di u risicu d'inundazione (SLRI).

ARTICULU 3 :

DUMANDA à u Cumitatu di Conca di Corsica di seguità cù primura assai u stabilimentu di ste strategie chì devenu esse elaborate in cuncertazione cù l'attori è strutture chì portanu cuncernati.

ARTICULU 4 :

A presente deliberazione ferà l'ogettu d'una pubblicazione à u libru di l'atti amministrativi di a Cullettività Territoriale di Corsica.

AIACCIU, u

U Presidente di l'Assemblea di Corsica,

Dominique BUCCHINI